

ՆՈՅՆՄԵՐՆԵՐՅԱՆԻ ՇՐՋԱՆԻ ԿԻԿԼՈՊՅԱՆ ԿԱՌՈՒՅՑՆԵՐԸ

Ս. Ս. ԶԻԼԻՆԳԱՐՅԱՆ

Կիկլոպյան կառույցները հնագիտական տեսակետից հետաքրքիր ու կարևորագույն, սակայն մինչև վերջ չուսումնասիրված հուշարձաններ են, որոնցով հարուստ է առանձնապես Հայաստանը։ Դրանցից մի մասի ավերակները պահպանվել են էնեոլիթյան դարաշրջանից։

Նախնադարյան մարդը որպես բնակատեղի ընտրել է բնականից պաշտպանված անմատչելի վայրերը՝ քարաժայռ բարձունքները, անառիկ բլուրներն ու քարայրները։ Քանի դեռ աշխատանքի գործիքները, զենքն ու զինական գործը թույլ էին զարգացած, տոհմատիրական շրջանի մարդկային խմբերը բացառապես օգտվում էին պաշտպանության տեսակետից հարմարավետ բնական պաշմաններից, առանց տեղավայրը որոշակի վերափոխության ենթարկելու։ Սակայն հետագայում նրանք կոլեկտիվ ուժերով այդ անմատչելի վայրերում՝ քարաժայռ բարձունքներում, կառուցում են զանազան ամրություններ՝ շրջապատի բնակավայրերով, որոնք կոչվում են կիկլոպյան ամրոց-բնակատեղիներ կամ մեգալիթյան հուշարձաններ։

Կիկլոպյան կառույցները կենսական անհրաժեշտություն են դառնում մանավանդ այն շրջանում, երբ անասունների, արոտավայրերի և կողոպուտի համար մղվող միջտոհմային ու ցեղային կռիվները, ընդհարումները սկսում են ավելի սովորական ու հաճախակի դառնալ։

Հատկապես հաճախակի են դառնում միջցեղային հարձակումները բրոնզի դարաշրջանում, երբ կիկլոպյան կառույցներն Անդրկովկասում դառնում են ոչ միայն պաշտպանական կառուցվածքների տարածված ու գլխավոր ձևը, այլև բնակության հիմնական վայրը։ Բնութագրելով նման շինությունները, նշանավոր հնագետ Բ. Բ. Պիոտրովսկին գրում է. «Ռազմական հաճախակի ընդհարումները բնորոշ էին հասարակության զարգացման բրոնզեդարյան փուլին, որը հաստատում են նաև կիկլոպյան ամրոցները, որոնք հանդիսացել են Անդրկովկասի մի շարք շրջաններում բնակավայրի հիմնական ձև...»¹։ Խոշոր, անտաշ քարերով, առանց շաղախի կառուցված կիկլոպյան ամրոցները, որոնցով հարուստ են հատկապես Արագածի լանջերը, Սյունիքը, Սևանի ավազանը և Հայաստանի հյուսիս-արևելյան շրջանները, բնորոշելու ու նկարագրելու են շատ գիտնականներ, որոնց թվում նաև ճարտարապետ-հնագետ Թ. Թորամանյանը. «...Ապառաժի կտորները,— գրում է Թորամանյանը,— միանգամայն բնականորեն ինքնաբերաբար պայթած վիճակին մեջ դասավորված են պատերուն մեջ. եթե նույնիսկ կարելի լինի շարք անվանել, ավելի միմյանց վրա կուտակված են, քան թե շարված»²։

Կիկլոպյան կառույցներով առանձնապես հարուստ է Նոյեմբերյանը, որը հնագիտական տեսակետից չուսումնասիրված շրջաններից է։ Վերջին տարիների ընթացքում մեզ հաջողվել է հայտնաբերել շուրջ 35 այդպիսի կառույցներ։

Նոյեմբերյանի այդ հուշարձանների ուսումնասիրությունը ցույց է տալիս, որ նրանց մեծ մասը իրրև ամրոց և բնակավայր հիմնադրվել է վաղ մետաղի ժամանակաշրջանում։ Այդ են ապացուցում նրանց հարակից տոհմային գերեզմանոցները և պեղումների միջոցով այնտեղ հայտնաբերված նյութական մշակույթի մնացորդները։

Նոյեմբերյանում մեր հետազոտած շատ բնդ-չեներ հիմնադրվել են մետաղների հանքավայրերի մոտ, որոնք հայտնի են «բովեր» անունով։ Դրանք հանքախորշեր կամ մետաղի ձուլարաններ են՝ հանքամշակման գործիքներով ու մետաղական խարամով։ Այդպիսիք կան Կողբից հյուսիս-արևմուտք 44 մ վրա գտնվող «Բովեր» կոչվող հանդամասում, Նոյեմբերյանից հարավ 1,5 կմ վրա գտնվող «Մրաղանց Արեգունի» կոչվող բարձունքում, Զուլանի «Արամի բլրում», «Մեծ Գոգղաղի» արևմտյան ստորոտներում, Նոյեմբերյանի «Բովերում», Արճիսի, Լճաձորի «Կողմաններում» և այլ վայրերում։

¹ Б. Б. Пиотровский, Археология Закавказья, Л., 1949, էջ 58։

² Թ. Թորամանյան, Նախաքրիստոնեական հայ ճարտարապետությունը, «Բանբեր Հայաստանի գիտական ինստիտուտի», գիրք Ա—Բ, Վաղարշապատ, 1932, էջ 207։

Ուսումնասիրությունները ցույց են տալիս, որ ընդհանրապես չափավոր լեռնաշխարհի, այդ թվում Նոյեմբերյանի կիկլոպյան շինություններն իրենց կառուցման ոճով ու նպատակներով ունեն հետևյալ միանման և ընդհանուր գծերը:

1. Կիկլոպյան ամրոցները, որպես կանոն, կառուցվել են շրջապատի վրա իշխող բարձունքներին:

2. Պատնեղները կառուցված են առանց շաղախի. խոշոր անտաշ քարերով:

3. Նրանք զերազանցապես պաշտպանական բնույթ են կրել, կառուցվել են ջրամերձ վայրերում և ունեցել ամրոցում իրենց սեփական քարհանքերը:

4. Այդ կառույցներում հայտնաբերվում են աշխատանքային քարե զործիքների և խեցեղենի մնացորդներ:

5. Նրանք բոլորն էլ ունեն իրենց տոհմային գերեզմանոցները:

Այդ կառույցները, ունենալով ընդհանուր գծեր, տարբերվում են միմյանցից մի շարք առանձնահատկություններով, որոնցից կարելի է նշել հետևյալները.

1. Քարաբուրգերով, միջնաբերդերով ամրոցներ, որոնք ունեն պարսպաներս բնակարաններ:

2. Առանց քարաբուրգերի, միջնապարիսպներով ամրոց-բնակատեղիներ, որոնց մի մասը ավելի խոշոր բնակավայրեր են, բնակարանները գտնվում են պարսպի ներսում:

3. Ամրոց-բնակատեղիներ, որոնք ունեն ինչպես ներպարսպային, այնպես էլ արտապարսպային բնակարաններ:

4. Ավելի կուպիտ, տեղ խոշոր քարերով պատած, առանց քարաբուրգերի ամրոցներ, որոնք համեմատաբար փոքր տարածություններ են զբաղում սրագլուկաթ, քարամայր բարձունքների վրա և միայն պաշտպանական բնույթ են կրել, ունեցել են պարսպադուրս, հարակից կացարաններ, որոնք իրենց հերթին ունեցել են պաշտպանական պատեր: Այդպիսի ամրոցները պարսպի ներսում կացարաններ չունեն:

5. Միջնապարիսպներով և առանց միջնապարիսպների, ուրարտական տիպը հիշեցնող միապարիսպ ամրոցներ, որոնք կառուցված են խորանարդաձև, լավ հարմարեցված երկշար քարերով: Այդ տիպի պատերն ամրացված են մանր քարերով և խճաքարով:

Սույն հոդվածը չժանրաբեռնելու նպատակով, համառոտակի կանդ կառնենք հիշված ամրոցներից մի քանիսի վրա միայն: Բնորոշներից մեկն է Արճիսի «Բերդատեղ» կոչվող կիկլոպյան նակայական ամրոցը, որը գտնվում է Արճիս գյուղի արևելյան ծայրամասում՝ 1,5 կմ հեռավորության վրա: Ինքը՝ Արճիս գյուղը, տեղադրված է Դերեղին գոլահեռ ձգվող բարձր լեռնաշղթայի արևմտյան կատարին և շրջանի մնացած գյուղերի համեմատ ունի հարմար ստրատեգիական դիրք: Լեռնաշղթայի արևելյան կատարը, ուր գտնվում է կիկլոպյան ամրոցի միջնաբերդը, մոտ 1 կմ հեռավորությամբ, վերջանում է հարթավայրով:

Արճիսի «Բերդատեղ» պարիսպները սաստիկ ավերված են: Նրանք հավանաբար սկսվել են գյուղի արևելյան ծայրամասում գտնվող գերեզմանոցից, ուր կան նաև նախնադարյան թաղումներ: Սակայն որքան իջնում ենք դեպի արևելք, այնքան նշմարելի են դառնում բլրաշարքի երկու կողմով ձգվող պարսպի պատերը, որոնց շրջակայքում կան զարդարուն և անզարդ, փայլուն և անփայլ սև գույնի տվազախառն կավիք պատրաստված, ջարդված խեցեղենի մնացորդներ:


Այդ ձվածիր հատակագիծ ունեցող ամրոցի պարիսպները ձգվում են արևմուտքից արևելք, կառուցված են խոշոր՝ 1,5—3 մետր բարձրությամբ, կուպիտ անտաշ միաշար քարերից:

Ամրոցի պարիսպներից ու աշտարակներից ավելի կանգուն են մնացել միջնաբերդի հարավային ու արևելյան մասերը: Միջնաբերդից դեպի հարավ՝ 150 մետր հեռավորության վրա, ամրոցը հատող խճուղուն գոլահեռ նկատելի են ամրոցի ստորին (երրորդ) պարսպի լիովին ավերված պատերի հետքերը, որոնք ձգվում են մոտ 200 մետր երկարությամբ: Ամրոցի հարավային ուղղությամբ ձգվող եռաշար պարիսպների կործանման զործում ավերիչ դեր է խաղացել այնտեղ մինչ այժմ զործող քարհանքը: Ելնավոր պարիսպներից բացի, բլրալանջի հարավային թեքության վրա ձգվում են նաև աղեղնաձև լրացուցիչ փոքր երկարությամբ պարիսպներ:

Ի տարբերություն բլրալանջի հարավային պատերի, հյուսիսային պատերի քարերը ավելի խոշոր են, որոնցով կառուցված պարիսպները ավելի խիտ են և բաղմաստիճան:

«Բերդատեղի» գագաթը, ուր գտնվում է միջնաբերդը, ավարտվում է մի փոքրիկ հարթության, որի արևելյան կողմում որպես պիտակետեր վեր են խոյանում բնական քարածալոների վրա կառուցված 2 քարաբուրգերը: Նրանցից 30 մետր հեռավորության վրա, արևելյան կողմում, ամրությունն ավարտվում է բարձր պարսպային աշտարականման փականով և աշտարակով (տե՛ս նկ. № 1):

«Քերդասեղի» ամրոցի միջնաբերդից դեպի արևմուտք՝ 50 մետր հեռավորության վրա, ձգվում են շրջանաձև և թառանկյուն շինությունների (կացարանների)՝ փոս ընկած հետքերը, որոնց տրամագիծը տատանվում է 4—6 մետրի միջև:



Նկ. 1. Արճիսի բերդատեղի կիկլոպյան ամրոցի բերդապարսպի արևելյան փակեր:

Դեպի հարավ-արևմուտք՝ մոտ 100 մետր հեռավորության վրա, ամրոցի ստորին (երրորդ) պարսպից դուրս ձգվում է ավելի քան քառորդ հեկտար տարածություն ընդող համարանադաշտը: Դամբարանադաշտում թաղման տարրեր ձևերը, ամրոցի հուշարձանների արտաքին մաս-դորդները և մեր պեղած դամբարաններում հայտնաբերված նյութերը վկայում են ամրոցի կյանքի տևական գոյության մասին: Ավելի ուշ շրջանի դամբարանների մի մասը նման է հնագետ Հարություն Մնացականյանի կողմից Գոլովինոյում պեղված քարաբեկային տիպի դամբարաններին³:

Ամրոցից հայտնաբերվող կավամաների բազմաթիվ կտորներն իրենց նախնիներով նման են դամբարաններում հայտնաբերվող կավամաններին: Պեղված մի շարք դամբարաններից հայտնաբերված, ձեռքով ու զրդի վրա պատրաստված կավե կճուճները, քրեղանները, զավաթները, զանազան այլ կավանոթները, բրոնզե ապարանքաները, մատանիները, ինչպես նաև պաստայից և սարդիոնից բարձր ճաշակով պատրաստած ուլունքները, բրոնզե զենքերը և մի շարք այլ առարկաներն ապացույցում են, որ ամրոցի կյանքը հարստ էլ է միջին և ուշ բրոնզեդարյան, ինչպես և հետագա մասնակաշրջանում:

Դամբարանադաշտից պեղված ձեռքով և զրդի վրա պատրաստված կավամանները, ինչպես նաև արևի պաշտամունքին նվիրված զնդաձև սափորները նման են Հ. Մնացականյանի կողմից Գոլովինոյի պեղումներից հայտնաբերված կավամաններին ու սափորներին, որոնք վերագրվում են երկրորդ հազարամյակի վերջին⁴:

Հետազոտությունները ենթադրել են տալիս, որ Արճիսի կիկլոպյան ամրոցի բնակչությունը, որի հիմնական զբաղմունքը եղել է անասնապահությունը, ունեցել է նաև զարգացած խեղեղործություն:

Արճիսի «Քերդասեղի» կիկլոպյան ամրոցի տիպին են պատկանում նաև Ջուլիան գյուղի «Պոպուզի» և «Արամի» բլուրների վրա գտնվող ամրոցները: Գյուղի հարավային ծայրին, 500 մետր հեռավորությամբ, իրարից մի ձուլակով բաժանվող ճուղիների և Պոպուզի զազաթներն ու գյուղի

3 Տե՛ս Հ. Մնացականյան, Դամբարանների պեղումները Գոլովինո գյուղում, «Աշխատություններ Հայաստանի պետական պատմական թանգարանի», հատ. 5, Երևան, 1959:

4 Նույն տեղում, էջ 40—53:

արևելյան ծայրամասով ձգվող «Արամի բլուր» կոչվող գագաթը եռանկյունաձև դասավորված, իրար հանդիպակաց բլուրներ են, որոնց վրա գտնվում են հնագույն բերդ-շենքերը։ Այդ 3 բերդ-շենքերն էլ ունեն իրենց տոհմային դամբարանադաշտերը։ «Պոպլուզի» և «Արամի» ամրությունները քարաբուրգերով, կիկլոպյան պատերով կառուցված ամրոց-բնակատեղիներ են։

«Պոպլուզի» ամրոցի պատերն ավելի խիստ են ավերված և փոքր տարածություն են բռնում, քան Արճիսինը։ Չնայած նրա հյուսիսային պարիսպների հետքերը հաղիվ նկատելի են, սակայն քլալանջի հարավային ճակատով, ուր գտնվում է ամրոցի քարհանքը, եռապարիսպ ժապավենաձև ձգվող պատաշարերից միայն ստորինի վրա է, որ կանգուն են մնացել առանձին հատվածներ։ Ամրոցի գագաթամերձ պարիսպները շարված են եղել խոշոր ժայռաքեկորներից, իսկ մուտքը հավանաբար բացվելիս է եղել ընդհանուր արևմտյան կողմից, որն ավելի փոքր թեքություն ունի։

«Պոպլուզի» գագաթից 120 մետրի վրա, հյուսիսային ստորոտով հոսում են սառնորակ գետակ և աղբյուր, որոնցից 40 մետրի վրա ձգվում է «Ալեքսի հող» կոչվող նախնադարյան դամբարանադաշտը, ուր կան սալարկղային թաղումներ։ Այստեղ հայտնաբերվել են ոչ միայն բրոնզե, այլև երկաթե զարդեր, այդ թվում՝ առանց զարդաքանդակի երկաթե ապարանջան և մատանի։ Ամրոցի մոտ, 2 հեկտար տարածություն զբաղող գագաթամասի հյուսիս-արևելյան հատվածում են գտնվում ամրոցի կացարանների շրջանաձև փոս ընկած հետքերը, որոնցից դեպի հարավ-արևմուտք բարձրանում է ամրոցի քարաբուրգը։ Այդ քարաբուրգը, որ մոտ 36 տարի առաջ զգալիորեն ավերվեց կայծակից, ամրոցի միակ դիտակետն է։ Ամրոցում հանդիպում են բարձր ճաշակով, երկրաչափական պատկերներով պատրաստված սև և կարմրավուն գույնի կավանոթների բեկորներ։

Հնագիտական տեսակետից ավելի մեծ հետաքրքրություն է ներկայացնում Զուչեան գյուղից 500 մետր հեռավորությամբ՝ արևելյան ծայրամասով ձգվող «Արամի բլրի» վրա գտնվող ամրոցը, որտեղ վերջին ժամանակներս կառուցվել են սի քանի բնակարաններ, պահեստներ և անասնազոմեր։ Սա նույնպես նախորդ 2 ամրոցների նման պարսպից դուրս կացարաններ չի ունեցել։ Ամրոցի միակ քարաբուրգը և միաշար պատերն ավերվել են վերջին տասնամյակներում։ Ամրոցն անմատչելի է, հատկապես հարավային կողմից շրջափակված է բնական և արհեստական ժայռապարիսպներով։ Նրա հյուսիսային մուտքը հատող միակ ճանապարհից հյուսիս՝ մոտ 400 մետր հեռավորության վրա ձգվող հարթավայրում են տեղադրված վաղ միջնադարյան գերեզմանոցը և ավերված վանքը։ Գերեզմանոցի արևելյան եզրին հեղի հաստ շերտից հայտնաբերվել են կրաշաղախով և առանց շաղախի բնակարանների պատեր, ինչպես նաև չրի գունդեր։ Հավանաբար վաղ միջնադարյան այդ բնակավայրը ծագել է «Արամի բլրի» կիկլոպյան ամրոց-բնակատեղից, որը բռնում է 5—6 հեկտար տարածություն։ Ամրոցի հարավային՝ և՛ բնական, և՛ արհեստական խոշոր ապառաժներով ձգվող պարիսպները ավերվել են վերջին տասնամյակների ընթացքում՝ ճանապարհ անցկացնելիս։

Հարավային պարիսպների կողմում ժայռապատ գագաթն ավարտվում է կապույտ գրանիտի քարածայրերով կտրուկ իջնող զառթափ թեքությամբ, որի ստորոտով անցնում է խճուղին։ Վերջինիս հարավային եզրով ձգվում են սովխոզի անասնազոմերը, որոնց մոտ գտնվում է ամրոցի նախնադարյան ընդարձակ դամբարանադաշտը։ Ամրոցը լիովին ապահովված է եղել ջրով, որովհետև նրա կենտրոնից մոտ 100-ական մետր հեռավորությամբ՝ արևելյան և արևմտյան ստորոտներով, ձորաբերաններով հոսում են սառնորակ աղբյուրներ։ Ամրոցի կենտրոնական մասում նկատելի են բնակարանների հետքեր հիշեցնող զոգավորություններ ու փոսեր։ Տեղի բնակիչ վանո Հարությունյանը պատմում է, որ 1929 թ. իրենց բնակարանի հիմքերը փորելու ժամանակ հայտնաբերվել են հին կացարաններ, որոնց երկու կողմը եղել է ժայռակոփ, իսկ մյուս կողմերը՝ կավի ցեխով, տձև, կոպիտ քարերով շարված պատեր։ Այդ կացարաններում հայտնաբերվել են նաև ծածկի կաղնու փտած գերանի կտորներ։ Կացարաններից մեկի հատակը սվաղած է եղել շիկահողով։ Նրա պատմելով հարավային թերղապարսպի մոտ հայտնաբերվել է մի դամբարան, որտեղից հանվել են սև գույնի կավե կճուճներ և մարդկային գանգեր։ Ի դեպ, նման թաղումներ կիկլոպյան ամրոցներում հազվագյուտ են, և երևի կատարվել են ամրոցի պաշարման ժամանակ միայն։ «Արամի բլրի» ամրոց-բնակավայրի արևմտյան սահմանն ապահովված է եղել բազմաշար քարապարիսպներով, որ բլրի կենտրոնական լանջամասում ավարտվում են 5-րդ պարսպով։ Ամենաստորին և երկար պարիսպը, որն սկսվում է բլրի հարավ-արևելյան գագաթից բնական ժայռապատից, ձգվում է ձորակի ափով դեպի հյուսիս 400 մետր երկարությամբ, երկրորդ պարիսպը նրանից բաժանվում է 45 մետր միջտարածությամբ, գագաթամերձ 3-րդ և 4-րդ պարիսպների հեռավորությունը միմյանցից կազմում է 20—25-ական մետր, իսկ վերջին, գագաթնային պարիսպը նախավերջին պարսպից բաժանվում է 7 մետր միջտարածությամբ։

Ամրոցի բնակչության բարձր զարգացած մշակույթի մասին շատ բան են վկայում նրա բուսականակալից ու մեծ տարածություն բռնող դամբարանադաշտի հուշարձանները: Մեր հետազոտությունների ժամանակ ամրոցից հայտնաբերվեց փոքր զոգավորություն, ձվածիր քարե պրիմիտիվ աղորիք և քարե սանդ: Վերջինս, որի փոսիկն ունի 9 սմ խորություն և 13 սմ տրամագիծ (տե՛ս տախտ. 1, նկ. 21), գտնվեց ամրոցի կենտրոնական մասից, արևելյան ուղղությամբ ձգվող պարսպի մոտից: Սրանից մոտ 30 մետր հեռավորության վրա գտնվող վարելահողի շերտերից, ուր հավանաբար գտնվել է ամրոցի ձուլարանը, առատորեն դուրս է գալիս մետաղական խարամ: Ամենայն հավանականությամբ նման սանդերը օգտագործվելիս են եղել հանքամշակության նպատակով: Սանդը նման է 1958 թ. Կարմիր բլուրի պեղումներից հայտնաբերված սանդերին, որոնք նկարագրել է պրոֆ. Հ. Ա. Մարտիրոսյանը, բնութագրելով որպես հանքամշակության նպատակով օգտագործվող քարե գործիքներ⁵:

Դամբարանադաշտի հյուսիսային եզրը հատում է ճանապարհը, որի հարթեցման ժամանակ հայտնաբերվեցին մի քանի դամբարաններ: Մի քանի թաղումներ կան նաև ճանապարհի հյուսիսային եզրում՝ ապառաժ լեռնալանջին: Սակայն հիմնականում դամբարանադաշտը գտնվում է ճանապարհի տակ՝ հարավային մասում: Դամբարանադաշտը կենտրոնական մասով ձգվում է շուրջ 200 մետր լայնությամբ՝ հյուսիսից-հարավ, մինչև հարավային ձորափը, իսկ երկարությամբ ձգվում է արևմուտքից դեպի հարավ-արևելք, մոտ 800 մետր երկարությամբ, սովորաբար արևմտյան ալիքներով իջնում և շարունակվում է «Մոսեսի հող» կոչվող վայրով և ավարտվում ձորափով: Այդ դամբարանադաշտը, որն իր մեծությամբ առաջինն է Նոյեմբերյանում, ուղադրվ է և իր թաղման ձևերի բաղադրանությամբ: Ինչպես թաղման ձևերը, այնպես էլ դամբարաններից պեղված նյութական մշակույթի հուշարձանները ապացուցում են այդ դամբարանադաշտի շուրջ երեք-հազարամյա հարատևումը:

Ինչպես շինարարության, այնպես էլ մեր պեղումների ժամանակ հայտնաբերվել են էնեոլիթյան շրջանի սև փայլեցրած ուղադրվ կավե ամաններ, որոնք ըստ պրոֆ. Հ. Մարտիրոսյանի բնորոշման, պատկանում են մ. թ. ա. III հազարամյակի մշակույթին: Պեղումներից հայտնաբերվել են նաև մ. թ. ա. II և I հազարամյակներին պատկանող այլ հուշարձաններ: Ուղադրվ են նաև վաղ հայկական շրջանի (VI—III դդ.) մշակույթին պատկանող բազմաթիվ կավանոթները, կնուճները, գավաթները, երկաթյա նիզակները, ֆրեզեր և մի շարք այլ առարկաներ: Ժանապարհաշինարարության ժամանակ այնտեղ հայտնաբերվեցին ավելի ուշ ժամանակաշրջանի թաղումներ, որոնց կավե անոթները լիովին փշրվել էին տրակտորների ծանրության տակ: Նրանցից Նոյեմբերյանի դպրոցական թանգարանում պահվում են նաև Պարթև Արշակունիների, Միհրդատ II-ի (մ. թ. ա. 123—88) և Օրոնտ I-ի (մ. թ. ա. 57—37) ժամանակաշրջանի արծաթյա դրամները (ըստ դրամագետ Խաչիկ Մուշեղյանի): Անասնաշենքերի շինարարության ժամանակ բացվող դամբարաններից հայտնաբերվել են նաև բազմաթիվ բրոնզե իրեր՝ կացիներ, սակրեր, մանգաղներ, գոտիներ և այլն: Մեր պեղումներից հայտնաբերվել են ականջօղեր, ասեղ, մազակալ, բրոնզե, ինչպես նաև պաստալից, խալցեդոնից պատրաստված բազմաթիվ ուլունքներ և բրոնզե քառազուխ վիշապի պաշտամունքային զարդ:

Ամրոցների երկրորդ խմբին են պատկանում Արճիսի «Բերդատեղի» ամրոցից մինչև Հաղթանակի սովորաբար հյուսիսային ալիքները արևմուտքից-արևելք ձգվող՝ Դերեգի աչափնյա կիկլոպյան շինությունները, որոնք խոշոր, տեղաբերից պատած միապարիսպ ամրոց-բնակատեղիներ են: Այդ խմբի 4 ամրոցները գտնվում են իրարից 200—600 մետր հեռավորության վրա զբաղեցնելով բարձունքներին և տեղացիների կողմից կոչվում են «Շահլամներ»:

Այդ բարձունքները, որոնք ընդհանուր դիրքով և տեսքով միմյանց նման են, երեք կողմից ունեն խիստ զանդեղ ու քարածայրերով կտրուկ իջնող թեքություններ, իսկ միայն մի կողմից՝ պարանոցով միանում են ընդհանուր հարթությանը, ունենալով թեքակղզու տեսք: Նրանց գագաթները շրջանաձև, հարթ վարելահողեր են, որոնց տարածությունը տատանվում է 5—10 հեկտարի միջև: «Շահլամ» կոչվող բարձունքների գագաթային եզրամասերով շրջանաձև ձգվում են սև գույնի բազալտի քարհանքերը, որոնք օգտագործվում են մինչև այժմ, դառնալով ամրոցների պարիսպների կործանման պատճառը:

Այդ ամրոցների կացարանները բացառապես տեղադրված են բուն գագաթներում, պարսպաներս տարածությունների վրա: Ի տարբերություն նախորդ խմբի ամրոցների, վերջիններս ունեն իրենց միջնապարիսպները և կենտրոններում չունեն քարարուբեր:

⁵ А. А. Мартirosян, Армения в эпоху бронзы и раннего железа, էջ 183—184 և աղյուսակ XVIII, 1:

Այդ ամրոցաշարից համեմատաբար կանգուն է մնացել IV-ը՝ Հաղթանակի սովխոզի «Շահլամի» ամրոցը, սովխոզից մոտ 1 կմ հեռավորության վրա։ Ամրոցը, որը ընդհանուր դիրքով նման է կոչկի ներքանի, բազմաբլուրից միապարհապես է, բացառությամբ համեմատաբար թույլ պաշտպանված հարավային կողմի, ուր ձգվում է էռաշար պարիսպը։ Սակայն ամրոցը կենտրոնի մասում ունի իրարից 32 մետր հեռավորությամբ զուգահեռաբար հյուսիսից-հարավ ձգվող երկու միջնապարիսպներ։ 140 մետր երկարությամբ ձգվող այդ երկու միջնապարիսպների պատերը կառուցվել են արհեստական հողաթմբերի վրա, որոնց բարձրությունը հասնում է ավելի քան 2 մետրի։ Ամրոցի միջնաբերդի շուրջ 2 հեկտար տարածության վրա կողք-կողքի փռված են շրջանաձև և քառակյունաձև կացարանների փոսերը։

Ամրոցի դամբարանադաշտը, որը բռնում է բավականին մեծ տարածություն, գտնվում է ամրոցի հարավային ստորոտում՝ 300 մետր հեռավորության վրա։ Դամբարանները առանց սալաբարների, 1,3-ից մինչև 2 մետր խորությամբ թռնրանման թաղումներ են, որոնք լցված են մանր քարերով։ Մեր պեղումների ժամանակ հայտնաբերվել են բրոնզե նետասլաքներ, մատանիներ, ասեղներ, ժանյակներ, ականջօղեր, գեղեցիկ նախշերով փորագրված ապարանջաններ, պաստալից ու խալցեդոնից պատրաստված ուլունքներ։ Ծանապարհաշինարարության ժամանակ հայտնաբերվել են բազմատեսակ էնեղանիների բրոնզե ձուլածո արձանիկներ։ Այդ դամբարաններից հայտնաբերված խեցեղենի նախշարվեստը նման է բուն ամրոցից հայտնաբերվող կավե իրերի կտորների նախշարվեստին։

«Շահլամների» ամրոցների կիկլոպյան շինություններից հայտնաբերված քարե հղկված գործիքները, մասնավորապես սանդաղակները, իրար նման են, նրանց աշխատանքային ծայրերը մաշված են։ Իրանք ողորկ, ձեռքում բռնելու հարմարեցված գործիքներ են և ծառայել են հանքամշակության տարբեր գործողությունների համար (տե՛ս տախտ. 1, նկ. 7, 8, 9, 10, 11)։

Ավելի հետաքրքիր և ժամանակաշրջանը բնութագրող հուշարձաններ են հայտնաբերվել նաև Մեծ կամ Առաջին «Շահլամի» դամբարանադաշտից, վերջին երկու տարում Այրումի պահածոների գործարանը և ավանի մի շարք բնակելի շենքերը կառուցելիս։ Այդ նյութերի մի մասը պահվում է Այրումի դպրոցական անկյուն-թանգարանում։


«Մեծ Շահլամի» սարալանջում հեղեղատների շնորհիվ բացվեց հողի կուրծքը, որտեղից հայտնաբերվեց բազալտե քարից պատրաստված մի սանդ, որի բարձրությունը հասնում է 23 սմ-ի, իսկ տրամագիծը՝ 19 սմ-ի, կոնաձև փոսիկի խորությունը հասնում է 8 սմ-ի (տե՛ս տախտակ 1, նկ. № 12)։ Սանդի շուրջը գտնվող ավազաքարերն իրենց մեջ պարունակում են պղինձ և երկաթ։ Մեծ կամ Առաջին «Շահլամի» պատկանող դամբարանադաշտից շինարարության ժամանակ հայտնաբերվել են քարե մուրճը, քարե և կավե շերտիկներ, որոնք նույնպես հավանաբար օգտագործվել են հանքամշակության և մետաղամշակության տեխնիկայի մեջ։

Այրումի շրջանում գտնվող, Դերեգի աջափնյա հինգ բարձունքների վրա կառուցված կիկլոպյան բնակավայրերի բնակչությունը, այսպիսով, զարգացած անասնապահությունից զատ, ունեցել է նաև զարգացած մետաղամշակություն։ Այդ ամրոցների կառուցվածքի ձևի և հուշարձանների ընդհանուր նմանությունը ենթադրել է տալիս նաև, որ այդ բարձունքներում կառուցված կիկլոպյան ամրոցների շրջանում ապրելիս է եղել մեկ ցեղ։

Այրում ավանից բացված դամբարաններից հայտնաբերված հուշարձանները, խեցեղեղածուծայան նմուշները հաստատում են նաև այդ ամրոցների հարատևության մասին։ Ուշագրավ են հատկապես բրոնզե դրերը, մանգաղը, նիզակները և կացիկները։ Բրոնզե կացիկներից մեկը պատկանում է XXV—XXIV դարերին, իսկ մյուսները՝ XII—XI դարերին (տե՛ս տախտ. 1, նկ. 1, 2, 13, 14)։

Նման կառույցների խմբին է պատկանում նաև Նոյեմբերյանի «Բերդաղ» կոչվող ամրոցը, որը գտնվում է շրջկենտրոնից հյուսիս-արևելյան ուղղությամբ՝ 3 կմ հեռավորության վրա։ Ամրոցը գտնվում է շրջապատի վրա իշխող մի բարձր մենագագաթի վրա, որի միջպարսպային հարթ տարածությունը ավելի քան երկու հեկտար է։ Նրա շրջանաձև ձգվող մենապարսպի պարագիծը հասնում է մոտ 500 ոտնաչափի, իսկ տրամագիծը՝ 155 մետրի։ Ամրոցի կենտրոնում, 120 մ երկարությամբ ձգվում են երկու միջնապարիսպներ։ Ամրոցը ընդհանուր կառուցվածքով և ոճով նման է «Շահլամների» ամրոցներին, ինչպես նաև Մարտունու շրջանի «Սանդարի» կիկլոպյան ամրոցին։

6 Տե՛ս Կ. Հ. Մ ի ք ա յ ե լ յ ա ն, Մարտունու շրջանի կիկլոպյան ամրոցները, «Պատմա-բանասիրական հանդես», 1966, № 3։



Superiorly 1.

Նրա պարիսպների խորանարդաձև, որոշ չափով հարթեցված բարերը մոտեցված են իրար կիպ, երկշար ձևով, իսկ այդ շարերի միջև լցված են մանր քարեր և խիճ: Դուռնից կարելի է եզրակացնել, որ այն նախորդներից ավելի ուշ ժամանակաշրջանի կառույց է:

Նոյեմբերյանի «Բերդադի» ամրոցից 2 կմ դեպի արևմուտք, Կողրի և Նոյեմբերյանի միջև գտնվող բարձրաբերձ՝ Կողրի «Բերդադի», Նոյեմբերյանի «Զորամերուկ» և «Ղարսոնց զուլ» դա-
զաթների վրա նույնպես կան կիկլոպյան ամրոցներ, որոնք մի ընդհանուր վաճված են կազմում:

Կողրի «Բերդադի» ձվածիր տեսք ունեցող բերդ-շենի հարթ տարածությունը բռնում է ավելի քան 1,5 հեկտար, իսկ բերդապարսպի պարագիծը հասնում է մոտ 450 մ-ի: Բարձուրների հարթ տարածության վրա ոչ միայն նկատելի են կացարանների փոսերը, այլև այնտեղից հայտնաբերվել են թաղված խոշոր կարասներ: Ամրոցի քարհանքը գտնվում է հյուսիս-արևելյան զառիթափ գագաթամերձ տարածության վրա: Նրա թեք սարավանդի արևելյան և հյուսիս-արևելյան մասով ձգվում է եռաշար պարիսպ, իսկ արևմտյան մասով՝ երկշար պարիսպ: Երկշար պարսպով է շրջափակված եղել նաև ամրոցի հարավային մասը, որտեղից հավանաբար բացվել է ամրոցի մուտքը: Ամրոցը շունի քարաբուրդ և միջնապարիսպներով տարբերություն ամրոցի կիկլոպյան մյուս պատաշարերի, նրա արևելյան պատաշարերը նման են Նոյեմբերյանի «Բերդադի» պատաշարերին: «Զորամերուկ» ամրոցի ընդհանուր դիրքը ձվածիր է, պարագիծը երկարությամբ բռնում է մոտ 500 մետր, իսկ լայնությունը չի անցնում 100 մետրից: Հարավային հիմնական պարսպից բացի, մոտ 40 մետր տարածության վրա, գոգահեռ ձգվում է լրացուցիչ մի երկար պատ ևս, իսկ հյուսիսային մասի պաշտպանական բերդապարիսպը, որը անցնում է համեմատաբար հարթ տարածության վրա կառուցված արհեստական հողաթմբով, ունի 2 մ բարձրություն և 300 մետր երկարություն:

Կողրի «Բերդադի» բերդ-շենից արևելք՝ 300 մ հեռավորության վրա է գտնվում «Ղարսոնց զուլ» կոչվող ամրոց-բնակատեղի, որից 150 մ հարավ-արևելք ձգվում է Հարսնաքարի լայնատարած հարթավայրը, ուր գտնվում է վերոհիշյալ բերդ-շենների դամբարանադաշտը: Նրա կիկլոպյան պարիսպը լիովին ավերվել է հողամշակության, բնակարանաշինարարության և ճանապարհաշինարարության հետևանքով: Սակայն նկատելի է, որ նրա հարավ-արևելյան սարավանդով ժապավենաձև ձգված են եղել նրա 3 պատերը: Այնտեղից հայտնաբերվող կավամանների կտորները, իրենց պատրաստման ոճով, որակով ու նախշարվիչտով նման են իր դամբարանադաշտից հայտնաբերված կավանոթներին:

Մեր կողմից այդ դամբարանադաշտից պեղված 22 դամբարաններից հայտնաբերված նյութական հուշարձանները պատմում են ու միայն այդ ամրոց-բնակավայրի բնակիչների բարձր մշակույթի, այլև նրա՝ որպես բնակավայրի տեղական դոյուրյան մասին: Այդ դամբարանադաշտի միմյանցից 2—4 մետր հեռավորության վրա գտնվող դամբարանների խորությունը հասնում է մինչև 2 մետրի, երկարությունը տատանվում է 1.2-ից մինչև 1,6 սմ, իսկ լայնությունը՝ 80—90 սմ: Թաղումները կատարված են հիմնականում հյուսիսից հարավ, կողերից ունեն երկու սալեր և ծածկված են 1,5—2 մետրանոց խոշոր սալերով, իսկ որոշ դամբարաններ էլ երեք կողմից շրջապատված են սալերով: Դիակները հիմնականում թաղված են կուշ եկած վիճակում, իսկ առանձին փոքրաթիվ դամբարաններում թաղումները կատարված են դիակիված: Ամրոցի բնակչության ունեցել է դուրսի վրա, հարձր ճաշակով պատրաստված խեցեղեն, զերազանցապես սև գույնի կավանոթների մի մասը ունի հարուստ վերադիր զարդեր, որոնք պատկերում են օձերի, խոյների, ձիերի և այլ կենդանիների գույները: Նրանց շարքում ուշագրավ է նաև մի կավանոթ, որի վրա պատկերված է երկու լծված ձի: Իսկ կավանոթի մյուս կողմին քանդակված է մարտականք՝ 2 ձիերով (տե՛ս նկ. 2): Կան և կենդանակերպ, այդ թվում և թռչնակերպ կավանոթներ (տե՛ս նկ. 3), բրոնզե մարտական կացիներ, մանդաղներ, դաույներ, նիզակներ և այլ զենքեր (տե՛ս տախտ. 1, նկ. 13, 14, 15, 16, 17, 18, 19, 20): Որոշ դամբարաններում հայտնաբերվել են նաև նետեր, բրոնզե և րախակալներով դաշույններ և այլ զենքեր: Դամբարանադաշտում հայտնաբերված բրոնզե ասեղները, ճարմանդները, սարդիոնից, պաստալից և սուրմալից պատրաստված ուլունքները, բաղմատեսակ նախշազարդ ապարանջանները, ակունջողերը, պանդուկները, բրոնզե գոտիները և այլ հուշարձաններ, որոնք հնագիտ պրոֆ. Հ. Ա. Մարտիրոսյանի բնորոշմամբ վերաբերում են XIV—XII դարերին, ապացուցում են, որ այդ ամրոցների բնակչությունը ունեցել է բարձր զարգացած կուլտուրա:

Կիկլոպյան կառույցների երրորդ խմբին են պատկանում Կողմանի և Բերդադուղի (Ղալա-քենդի) ամրոցները, որոնք ավելի մեծ բնակատեղիներ են: Ի տարբերություն վերոհիշյալ բերդ-շենների, վերջիններս ունեն ինչպես իրենց պարսպաներս, այնպես էլ արտապարսպալին կա-
ջարանները:



Նկ. 2.



Նկ. 3.

Կողմանի բերդատեղի ամրոց-բնակավայրը գտնվում է արևելքից-արեմուտք ձգվող մեկ ուղղության վրա գտնվող, իրարից երկուական կմ հեռավորության վրա Շղալի նալի, Լոռու, Կողմանի և Ծղիշի զաղուկի ամրոցների միջև։ Նա ունի պաշտպանական հրաշալի բնական պայմաններ։ Երեք կողմերը զառիթափ թեք սարալանջեր են և հարթ տարածությամբ միանում են միայն հարավային հատվածում, ուր գտնվում է ամրոցի տոհմային դամբարանադաշտը։ Բլրի գագաթի ձվածիր հարթության վրա, հարավից-հյուսիս՝ շուրջ 400 մետր երկարությամբ և 140 մետր լայնությամբ տարածվում են կացարանները։ Ամրոցի արևելյան և արևմտյան արտապարսպային բնակարանափոսերից հայտնաբերվող խեցեգործական նմուշները նման են ներպարսպայինի մնացորդներին։ Հավանաբար արտապարսպային բնակարանները կառուցվել են ավելի ուշ, երբ արդեն բուն բերդաշենում այլևս բնակարան կառուցելու տեղ չի եղել։

Ամրոցի կենտրոնական մասում ավելի լավ են պահպանված առանց կրային շաղախի, ոչ մեծ քարերով, ուղղանկյունաձև կառուցված երկու մետր բարձրությամբ պատերը, որոնք զրեթե կպած են միմյանց կամ գտնվում են ընդամենը 2-ական մետր հեռավորության վրա։ Կենտրոնական մասում համեմատաբար կանգուն են մնացել 15 կացարաններ, որոնց պատերի երկարությունը հասնում է 11, իսկ լայնությունը՝ 6 մետրի։ Ամրոցի պատերից միայն հարավային մասում են պահպանվել առանձին հատվածներ։ Նրա բնակչությունը օգտվել է հյուսիս-արևմտյան մասում, 150 մետր հեռավորության վրա գտնվող աղբյուրից։ Ամրոց-բնակատեղի տոհմային դամբարանադաշտում թաղման տարբեր ձևերը, բնակարանատեղիներից հայտնաբերվող քարե հղկված գործիքները, բարձր ճաշակով պատրաստված կավամանների բազմաթիվ կտորները, մետաղային շլաքը ենթադրել են տալիս նրա՝ որպես գործող բնակավայրի երկարատև գոյության մասին։

Այդ տիպի ամրոցախմբի հաջորդ հուշարձանը՝ Բերդագյուղի քաղաքաբերդը գտնվում է Նոյեմբերյանից 15 և Գոմշավար բնակավայրից 4 կմ հեռավորության վրա, հարավ-արևմտյան ուղղությամբ՝ Աթախարա կամ Զալդուշան գետի ձախ ափին։ Նա շրջանի հնագույն ամրոց-բնակավայրերից ամենականդունն ու հարմարավետն է, բնակարանները դասավորված են ինչպես պարսպի ներսում, այնպես էլ դրսում։ Նման է Կողմանի ամրոցին, թեև վերջինս բռնում է ավելի մեծ տարածություն։

Շուրջ 5 հեկտար տարածություն բռնող ամրոց-բնակատեղիի պատերը, որոնց բարձրությունը հասնում է 5—7 մետրի, պատված են խոշոր, մինչև 3—4 մետր բարձրությամբ, հաստ կոպիտ քարերով, որոնց որոշ ձև է տրված։ Բերդապարիսպներն ունեն իրենց դիտակետերը քարամեջ նեղ ու երկար անցքեր, որոնց ներքևում կան քարե նստարաններ (գուցե պահպանների համար)։

Ամրոցի կացարանների պատերը հիշեցնում են վաղապույն շրջանի կացարանների առանց շաղախի պատերը։ Սակայն որոշ բնակարաններ, ինչպես նաև կենտրոնում գտնվող աղյուսածածկ տանիքով եկեղեցին, հիշեցնում են ավելի ուշ ժամանակաշրջանի կառույցների ոճը։ Այս ամրոցում բնակչություն եղել է նաև հետագա շրջանում։

Ամրոցամերձ դամբարանադաշտը, նախնադարյան և վաղ քրիստոնեական շրջանի գերեզմաններով, թաղման իր բազմազան ձևերով, բազմադարյան այդ ամրոց-բնակատեղիի հարատև գոյության և նրանում անընդմեջ ապրող բնակչության լավագույն վկան է։

Կիկլոպյան կառույցների հաջորդ խումրը կրել է միայն պաշտպանական բնույթ՝ հարակից բնակավայրերի համար:

Նման տիպի կիկլոպյան ամրոցները, որոնք նույնաբերականում ամենափոքր խումբն են կազմում, կառուցված են սրաղաղաթ, բարձրաբերձ, քարաժայռ բլուրների վրա, որոնց զաղաթները չունեն բնակարանների համար հարմար տարածություն և շրջափակված են բազալտե խոշոր քարաժայռերով. որոնք կիկլոպյան պատերի միակ հիմքն են: Նման ամրոցների ներքեղրյա մասում՝ բլրալանջով բոլորած անց են բռնել նախնադարյան բնակիչների կացարանները, որոնց բնակիչները թշնամական տոհմերի հարձակման և զանազան վտանգների դեպքում իրենց անասունն ու ինչքը պատսպարում էին բուն ամրոցում: Բնակիչները անձև, խոշոր քարերով պատած պարիսպների ներսը դարձում էին ոչ մեծ շփերի քարեր՝ թշնամիների դեմ գլորելու և նետելու համար:

Այդ ամրոցախմբին են պատկանում Շավարշավան գյուղի Շորազրրի զաշի և Բաղանիսի գյուղի Հարսնաքարի կիկլոպյան կառույցները: Վերջինս գտնվում է գյուղի հարավային մասում՝ 1,5 կմ վեր ձգվող Հարսնաքարի բարձունքի վրա և ունի պաշտպանության համար հիանալի, իսկ շրջապատի նկատմամբ բացառիկ իշխող դիրք: Նրա սուր զաղաթը եղրափակված է բազալտե ճեղքվող քարաժայռերով: Բացի միջնաբերդյան կիկլոպյան ամրոցից, հուշարձանն ունեցել է կացարանները շրջափակող, ոչ մեծ քարերով պատրաստած պատեր՝ հյուսիսային հատվածում երկպարիսպ, իսկ հարավայինում՝ եռապարիսպ:

Ամրոցի զաղաթից ցած՝ 50 մետր հեռավորության վրա, բարձունքի սարալանջով ժապավենաձև ձգվում է 30—40 մետր լայնությամբ գոգավորություն, ուր տեղավորված են եղել կացարանները: Այդ կացարանների հարավային մասում, ուր վերջերս ճանապարհ է կառուցվել քար տեղափոխելու համար, բացվել են տոհմատիրական շրջանի օջախներ, որտեղից՝ հայտնաբերվել են ձեռքով պատրաստած, սև գույնի կավանոթների կտորներ, ինչպես նաև կայծաքարից գայլիկոն և սղոցաձև գործիք, որոնք հետազոտ ուսումնասիրության կարիք են զգում աշխատանքի մեջ նրանց կատարած դերի տեսակետից:

Նմանատիպ կառույցներից է նաև Շավարշավանից 2 կմ-ի վրա, արևելքում գտնվող «Շորազրրի զաշ» կոչվող՝ իրար կպած երկու զաղաթների վրա կառուցված կիկլոպյան շենք: Դաղաթը շրջափակված է բնական քարաժայռերով, որոնց մի մասը ծածկված է արհեստական ժայռաշեն պարիսպներով: Ամրոցի հարակից բնակավայրը, որը գտնվում է բարձունքի հյուսիս-արևելյան և հյուսիս-արևմտյան սարալանջերում, բռնում է հսկայական տարածություն, այստեղ գետնի մակերևույթով տարածվում են ձեռքով պատրաստած սև, գուր կարմրագույն և մոխրագույն կավանոթների կտորներ: Ամրոցի բնակչությունը օգտվել է բարձունքի արևելյան և արևմտյան ստորոտներով հոսող աղբյուրներից: Ամրոցին հարակից տոհմային դամբարանադաշտը ձգվում է բարձունքի հյուսիսային ստորոտով և հյուսիսային մասում ընդհուպ մոտենում է բոլորած թաղումներով մի այլ դամբարանադաշտի, որը պատկանում է նրանից արևմուտք՝ 300 մետրի վրա գտնվող «Աշնի քարեր» կոչվող կիկլոպաշենին:

Մի քանի կիկլոպյան ամրոցներ հնագիտական տեսակետից հետաքրքիր են իրենց վաղ մետաղաձուլական հարմարանքներով: Վերը նշված Խուչեան գյուղի «Արամի բլրի» ամրոց-բնակավայրից բացի, իրենց բովերն են ունեցել Նոյեմբերյանի «Մրաղանց Արեգունի» և Կողրի «Կալերի սոնի» կոչվող բարձունքներում գտնվող ամրոցները: Վերջինս գտնվում է Կողրից հյուսիս-արևմուտք՝ 4 կմ հեռավորության վրա, ուր հայտնաբերվում է մետաղական խարամ: Նրանից հեռու չեն Կողրի «Բովերն», ուր նկատելի են ոչ միայն հնագույն հանքախորշերը, այլև կավից ծեփած հաստ պատերով ձուլարանների հետքերը: Մրաղանց Արեգունին շրջկենտրոնի հանդիպակաց բլրաշարի ամենաբարձր զաղաթն է: Թեպետ այդ բարձունքի անանցանելի մացառուտները հնարավորություն չեն տալիս ուսումնասիրելու նրա արևելյան և հարավային բերդապարիսպները, սակայն նկատելի են բարձունքի արևմտյան բլրալանջով ձգվող պարիսպները, որ լիովին ավերված են: Բարձունքի կենտրոնից արևմուտք՝ 50 մետր հեռավորության վրա են գտնվում ամրոցի հանքախորշերը, որի հսկառակ հատվածում՝ 100 մետր հեռավորության վրա գտնվող փոքրիկ գոգավորություններին նկատելի են բնակարանների փոսատեղերը, որտեղից հայտնաբերվել են բրոնզե մատանի, ապարանջան, սև գույնի փոքրիկ կճուճներ ու նրանց բաղմաթիվ կտորներ: Նույն կացարանատեղերից հայտնաբերվել են մետաղական շլաք, ինչպես նաև հանքամշակման քարե գործիքներ:

Հասան հյուսիսային ստորոտում, գյուղը այդ բլրաշարից լաժանող գետակի երկարությամբ մեր կողմից հայտնաբերված հանքաքարերի քիմիական անալիզը հաստատում է, որ շուրջ 2 կմ-ի վրա ձգվում է երկաթահանքի մեծ շերտ: Գյուղի կենտրոնական մասից հարավ՝ գետակից 50 մետրի վրա հողի արտաքին շերտից 1,5 մետր խորությամբ, իրարից 3—5 մետր հեռավորության

վրա գտնվում են թոնրաձև, թրծած կավի հաւտ շերտով պատված փոսեր, հավանաբար ձուլարաններ, որոնց հետագա ուսումնաւիրութիւնը մեծ կարևորութիւն է ներկայացնում:

Նոյեմբերյանում, ինչպես նաև Հայաստանի մի շարք շրջաններում կիկլոպյան կառույցների ուսումնասիրութիւններն ու հետազոտութիւններն այն եզրակացոյթի վրայ են հանգեցնում, որ կիկլոպյան ամրոցները հիմնականում հարատև գործող տոհմա-գեղային ամրոց-բնակավայրեր են եղել: Այդ են ապացուցում նրանց հարակից տոհմային դամբարանազաւտերը, նրանցում, ինչպես նաև ամրոցային կառույցներից հայտնարեւոյթ նյութակազմի մնացորդները: Իրավացի չէ պրոֆ. Խ. Սամուելյանը, որը հակառակ է պնդում: Հինվելով գերմանացի հնագետ Լեների ոչ ճիշտ տեսակետի, ինչպես նաև Ղանիջայի կիկլոպյան ամրութիւններում Ի. Իվանովսկու կողմից պնդումների ժամանակ հնագիտական իրեր չհայտնարեւոյթ փաստի վրա, նա գրում է. «Իրոք այդ կիկլոպյան ամրութիւնները բնակելի չեն եղել և միայն պարբերաբար ծառայել են արտաքին հարձակումներից պաշտպանվելու դեպքերում, դա բացահայտ է հիշյալ կառույցների մեջ պարփակված հողի աղքատ կուլտուրական շերտից, ուր շատ քիչ են հայտնարեւոյթ հնագիտական իրեր»:

Զիտեւելով, որ կիկլոպյան ամրոցների մի որոշ մասը, իրոք, պաշտպանական կետեր են հանդիսացել շրջակա բնակավայրերի ցեղերի ու տոհմերի համար, պետք է նշել, որ կիկլոպյան ամրոցները հիմնականում վաղագույն շրջանի մնայուն բնակատեղիներ են, որոնց մեջ ապրող բնակչութիւնը, հակառակ որոշ հնագետների կարծիքի, վարել է նստակյաց կյանք, զբաղվել է անասնապահութեամբ, երկրագործութեամբ և մետաղամշակութեամբ:

Նոյեմբերյանի կիկլոպյան կառույցների ուսումնասիրութիւնը ցույց է տալիս, որ դրանք իրենց տեղադրութեամբ և աշխարհագրական դիրքով բաժանվում են առանձին խմբերի և հավանաբար եղել են տարբեր ցեղերի բնակավայրեր:

Դրանցից հատկանշական է Այրումի խումբը, որի մեջ ընդգրկվում են Դերեդի աջափնյա կառույցները, այդ թվում Արճիսի, Պտղավանի, չորս Շահլամների ամրոցները: Մյուս խմբի մեջ են մտնում Նոյեմբերյանի և Կողքի շրջակայքի ամրոցները և երրորդի մեջ՝ Զուլեանի շրջակայքի կառույցները: Այդ ամրոցները կառուցվել են հանքավայրերին մոտ, ունեցել են իրենց հանքամշակութեան և մետաղամշակութեան օբյեկտները, մի բան, որ հատկանշական է եղել Անդրկովկասի համար ևս: Խոսելով այդ մասին, Բ. Բ. Պիոտրովսկին գրում է. «...Այդ ժամանակաշրջանի մետաղագործութիւնը սերտորեն կապված է եղել հումքի բազայի, լեռնային շրջանների հանքավայրերի հետ, որի պատճառով էլ մետաղամշակութեան սահմանի հախուռն վերելքը կապված էր անասնապահական ցեղերի հետ»:

Ապացուցները խոսում են այն մասին, որ Անդրկովկասում կիկլոպյան կառույցները, պարսպապատված բնակավայրերը կառուցվել են հիմնականում լեռնային շրջաններում. այստեղ բնակավայրերը ավելի խիտ են եղել, որովհետև ինչպես էնեոլիթի, այնպես էլ բրոնզի դարաշրջաններում միջտոհմային ու ցեղային հարձակումներից պաշտպանվելու և բնապաշտպանական լավադույն պայմանների տեսակետից լեռնային շրջաններն ավելի նպաստավոր էին:

Ծիշտ չէր լինի ենթադրել, թե իբր կիկլոպյան կառույցներում, հողի աղքատ կուլտուրական շերտում բնակչութիւնը չէր կարող զբաղվել անասնապահութեամբ և երկրագործութեամբ: Պետք է ենթադրել, որ վերոհիշյալ դարաշրջաններում կիկլոպյան ամրոցների բնակչութիւնը երկրագործութեամբ և անասնապահութեամբ զբաղվել է ամրոցամերձ հողատարածութիւններում: Տեսած դրանց զգալի մասը թեք վայրեր են, սակայն նրանք պակաս հարմար չէին իր ժամանակաշրջանի թեթև արորներով հերկելու համար: Ի վերջո, վերոհիշյալ դարաշրջաններում երկրագործութեան համար պետք չէին մեծ հողատարածութիւններ երկրագործական արտադրական գործիքների թույլ զարգացման և տնտեսութեան մեջ անասնապահութեան ճյուղի ավելի վճռող նշանակութեան պատճառով:

7 Խ. Սամուելյան, Հին Հայաստանի կուլտուրան, հատ. 1, Երևան, 1941, էջ 41:

8 Б. Б. П и о т р о в с к и й, Археология Закавказья, էջ 54: